

龜

巢

藁

五

龜巢藁卷之五

詩

贈邵濟民

曲塘地僊居洗藥溪水香青衣兩童子玉杵搗
玄霜玄霜搗來奉高堂老親食之壽而康天生
便、貯書腹金匱石函書爛熟東南海上多名
石、中來藥騎青鹿歸來濯足婁江水對坐青
山隱烏几囊探藥物不論錢但欲使人無病耳
有時彈琴寫鳳音有時拔筆長短吟紛、紙序



吮癰者從教別屋堆黃金

聞雲門張先生以慈烏軒焦尾居名文集賦

二詩以贈

慈烏曲九韵

慈烏乳衆雛、大羽翼成翻、出巢飛啞、繞
林鳴得食不自飽歸以飫所生紛然同類中有
此骨肉情余昔養親日瞻烏常自憊白首重相
見愛之雙眼青匪謂得所止丈人屋崢嶸為時
臬獍多見烏如閔曾王孫金彈尤慎勿令畏驚

焦桐曲九韻

焦桐製孤琴舉世稱異材往非蔡中郎竟作爨
下灰七絃繫朱絲徽金軫瓊瑤知音遠相遇携
上高臺一彈金陵散絕響有餘哀箏琶沸新
聲瓦釜亦雷鳴天機妙循環復見泰宇開爾桐
朱鳳吟靈風揚九垓吾今洗吾耳盤石坐莓苔

芝秀軒詩一首

猗與名門夙稱五常遙々耳孫厥德復昌於繁
爾子文藻有光如彼朱草曄々其英自天降祥

奕葉流芳匪曰三秀仙人之粮林壑爾居奇芬
遠揚雍公之扁金薤琳琅於昭彼蒼福善孔彰
俾爾耆艾家有餘慶惟來惟仍永言弗忘

結茅東郭歲晚言懷八首

行盡難行路歸來父母邦溪山間杖履花竹小
軒窓教子知一二抱孫成兩雙有時城府去溪
愧鹿門龐

其二

缺甃龜巢老蕭條鶴髮秋過眉桃竹杖方領木

棉裘補世慚無術
通家憶舊遊
幸然雙白鳥
能與共滄洲

其三

淨掃蕭齋地
書床一舊壇
談經雞亦解
迎客犬常先
流水柴門外
橫山甕牖前
春秋垂八十
食粥了餘年

其四

季子躬耕地
寥々禮讓風
度遠歸老鶴
遵渚集飛鴻
土姓多相雜
鄉音舊不同
獨憐東郭外
劍

井氣如虹

其五

官塘人似蟻環堵室如蝸白髮三千丈清貧第
一家地爐寒撥火雪水夜煎茶好客知誰至青
燈結細花

其六

過客應相笑巢翁未得閑酒經方補註詩稿又
重刪藜杖家々竹簍輿處々山數朝天色冷高
卧掩柴關

其七

故國歸來晚，孤城草木寒。
親朋皆鬼錄，鄉里少儒冠。
寫珠金鍾失，沉沙鉄戟殘。
譙門斜照裡，時為一辛酸。

其八

臘月無多日，春風又一年。
儘添頭上雪，聊遣瓮中天。
彩筆題冰柱，青衿送酒船。
晚來賓客散，清興更悠然。

和陳貳令遊善權洞

我昔陽羨遊春山聽茶歌別來三十載重遊竟
蹉跎憑高每望碧湖外羣峯玉立青嵯峨善權
山水最佳處我公去知清興多來時風景溢吾
目不用登臨勞吾足有轂之西勝丹青曲盡物
情人嘆服天開地闢義皇前神工為誰開洞天
爾來一萬八千歲金堂玉室居羣仙飛車鳶宮
久不見春去秋來只鴻雁青山前度污狼烟從
此四郊荆棘遍洞前玉氣金淤漫仙家應作瑤
池觀層巔巨石勢欲墮過者為之心胆寒翩々

石燕粘翠壁飛來若與人相識馬如龍車如水
尋常貴遊無足數以分清致似名緇一代風流
繼支許樂哉山水三日遊忘却世間千種愁昔
人名句題玉柱今公健筆留銀鉤寄言武陵人
桃源茲可求丹沙多與鍾乳雜瑤草不知蒲柳
秋長橋無饒蛟南山無猛虎在處可觀遊政須
人好古滴墨鉛碑篆亦奇絕似岐山石為鼓竹
姑子年、春山僧煮玉邀嘗新哦松暇日肯同
去作詩更為山傳神

鄉飲酒詩十四韵

皇帝即位之五年歲在壬子
詔天下行鄉
飲酒禮明年癸丑正月上日常州府太守
孫公率僚屬行之儀物品節不約不侈省
部主事宋公實在賓位僕介耆客凡二十
七人執事者位之其登升揖讓盥洗獻酢
靡不如梁時燕七十有七亦得以布衣廁
諸賢士大夫之列蓋有不勝其喜幸者率
爾口占以紀盛集云

一統乾坤大羣生雨露新君王能建極風俗易
還淳鄉飲稽蒼籙天書降紫宸諸侯遵令典嘉
讌展良辰黌舍簪纓集珍羞俎豆陳主賓儀秩
介饌色津、椒頌三陽日芹香泮水春工歌殷
律古揚觶猷酬頻聖澤沾羣品仁風播八垠賜
脯無足比置宴豈能倫老我溝中斷諸公席上
珍叨陪聆讀法喜獲坐連茵引領瞻西日傾心
拱北辰知恩無以報三祝效封人

謝董明府惠炭

范叔寒多正不禁烏薪重惠比烏金賒來脫粟
忙煮飯留得焦桐好製琴環堵一龕春盎々麗
譙三鼓夜沉沉硯池雲起龍香暖寫我梅花缺
石心

雨中懷秦主簿

東門之東西市西人家屋頭竹雞啼新年十日
九風雨二老幾時堪杖藜

懷儲教授

鎬京春宴醉簪花步出都門駕小車七里八岡

山店夜一瓊風雨宿誰家

次韵言懷八首

親朋淪落盡故國似他邦矮柱龜頭舍疎櫺蚌
殼寒鵲般簷外喜鴈影鏡中雙兒女俱婚嫁逝
禪笑老龐

其二

江海飄零客烟塵二十秋
逝將諸犬子歸老此
菟裘夜雪圍爐坐
春風秉燭遊
樵漁時共醉何
異宴瀛洲

其三

老我龜藏六無毛可作瓊栽詩閑未得強酒醉
當先茅宇城闌外梅花臘日前幸逢賢郡守鄉
飲禮高年

其四

短日經南陸嚴寒鼓朔風遍懷知己友長覓寄
書鴻世態今如此人心古不同青天如可問飛
步躡長虹

其五

風冷柴門閉齋居縮如蝸小橋平陸里識字老
農家野飯常留客春醪頗勝茶早梅溪上折斜
挿胆瓶花

其六

貧居家事少客去跛奚閑茅屋牽蘿補蘭堦擇
草刪雪添南浦水雲暗北窓山孰謂寒如許雞
鳴客度關

其七

自分馮唐老誰憐范叔寒婆婆鳩在杖蕭散鴟